

Тазкия дарслари (151-дарс). Осийликнинг зарарлари



17:00 / 28.08.2021 4118

هېلە ھەللا ىلص ىب ىللا ىتعمس ؛ لاق امهنع ۇھللا ىصر رمع ىنبا نە
نأك» ؛ لوقى ۇتعمس ىنكلو ىتارمغىبس ىنم رثكأ اىدح لوقى ملسو
ۇارما ۇتتأف ۇھلمع ىب ىن ىنم ۇروتى ال لىئارسا ىن ىنم لىفكلا
ىنم لىچرلا دىقم اھنم دىق املف ، اھأطى ىنأ ىلە ارانى دىنىس اھاطعأف
لمع ۇھنكلو ، ال ؛ تلاق ؛ كىتھركأ ، كىكبى ام ؛ لاقف ؛ تكبوت دىرأوت ارم
امو ادهت ىنأ نىلغفت ؛ لاقف ؛ عاخال ال ىلە ىنلماح امو ؛ طق ۇتلمع ام
، ادبأ اھدعب ھللا ىصغأ ال ھللاو ال ؛ لاقو ؛ كل ىف ىب ىنم ؛ تلعف
رفع ىق ھللا ىن ؛ ىباب ىلە ابوتكم ىب صأف ىلە ىل ىنم تامف
، ىدمرتل اھور . «لىفكلا

Ибн Умар розияллоху анҳумодан ривоят қилинади:

«Набий соллаллоҳу алайҳи васалламнинг бир ҳадисни етти мартадан кўп айтганларини эшитдим. Мен у зотнинг «Кифл Бану Исроилдан эди. У гуноҳдан сақланмас эди. Унинг олдига бир аёл келди. У унга устига чиқиш шарти ила олтмиш динар берди. У эр хотинига қандоқ ўтирадиган бўлса, унга ўшандоқ ҳолда ўтирган чоғида аёл йиғлай бошлади. Шунда у: «Нимага йиғлаяпсан? Мен сени мажбур қилдимми?» деди. «Йўқ. Аммо мен бу ишни ҳеч қилмаган эдим. Фақат муҳтожлик мени бунга мажбур қилди», деди. «Сен аввал қилмаган ишингни қияпсанми? Бор, кетавер! Пуллар ҳам ўзингга», деди. Сўнгра «Йўқ. Аллоҳга қасамки, бундан кейин Аллоҳга асло осий бўлмайман», деди.

У ўша кечаси ўлди. Бас, унинг эшигига «Албатта, Аллоҳ Кифлни мағфират қилди», деб ёзилиб қолди», деганларини эшитдим».

Термизий ривоят қилган.

Осийликнинг зарарлари:

1. Осийлик Одам ва Ҳаввони жаннатдан чиқарди.
2. Осийлик иблисни Аллоҳ таолонинг лаънатига учратди.
3. Осийлик Нуҳ қавмини тўфонга гирифтор қилди.
4. Осийлик Од қавмини томири чириган дарахтдек қулатди.
5. Осийлик Самуд қавмининг даҳшатли овоз ила ҳалок бўлишига сабаб бўлди.
6. Осийлик Лут қавмини чаппа айлантирилган ер остида ҳалок қилди.
7. Осийлик Шуъайб қавмини булутдан ёққан азоб ила ҳалок қилди.
8. Осийлик Фиръавн ва унинг қавмини денгизга ғарқ қилди.
9. Осийлик Қорун ва унинг молу мулкини ерга юттирди.

Маъсиятлар банда қалбининг моғор босишига, ғофил бўлишига ва муҳрланишига сабаб бўлади.

هَلْ لَعَلَّ لَاحِلَ لَاحِلٌ لَوْ سَرَّ تَعَمَّسَ لِقَاقُ هُنَّ عُلُوهُ لَاحِلٌ لَاحِلٌ يَضَرَّ رَءِزُهُ يَبْأُ نَع
وَإِتْأَعْمُجُ لَاحِلٌ مَوْعَدُو نَعْمَ أَوْقَأَ نَيَّهَتَنِ لَاحِلٌ «وَرَبُّنَا دَاوُعُ أَلَعَلَّ لَوْ قَيِّ مَلَسُو
مَلْسُ مَوْعَدُو نَعْمَ نُنُّو كَيْ لَاحِلٌ مَثْمُوبُ لَوْ قَلَعَلَّ لَاحِلٌ نَمْتَحَيْ لَاحِلٌ
دَمَحُ أَوْ يَأْسُ نَلَاوُ»

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг минбарлари устида туриб: «Ёки қавмлар жумаларни тарк қилишдан тўхтарлар. Ёки Аллоҳ уларнинг қалбларига муҳр босур ва сўнгра ғофиллардан бўлурлар», деганларини эшитдим».

Муслим, Насоий ва Аҳмад ривоят қилишган.

Гуноҳлардан сақланиш қалбнинг поклигини сақлаш учун хизмат қилади. Шунинг учун гуноҳларни озайтириш керак. Бу иш икки дунё учун ҳам фойдалидир.

Вакийъ ибн Жарроҳ келтирган ривоятда Оиша розияллоҳу анҳо айтади: «Гуноҳларни озайтиринглар! Албатта, сизлар Аллоҳ таолога гуноҳ озлигидан афзал нарса ила йўлиқа олмайсизлар».

Банда зоҳирий ва ботиний, катта ва кичик маъсиятлардан ҳазир бўлиши лозим. Кўпинча бир маъсият бошқа маъсиятга тортиши ҳам мумкин. Хусусан, қалб ва тил маъсиятлари каби ҳис қилиш қийин бўлган маъсиятлардан эҳтиёт бўлиш керак.

«Руҳий тарбия» китоби асосида тайёрланди